

Aruba Sports Unie ta muestra cu copia di check cu

SAC a paga 'apenas' 19.000 florin pa Joe Laveist

No 100.000 manera cu SAC ta bisa

ORANJESTAD – Ningun momento ASU (Aruba Sport Unie) a cobra Stichting Arubaanse Carnaval e suma di 100 mil florin pa uso di facilidad di Joe Laveist Sport park pa por a tene e festival di Road March y Calypso eyden recientemente. Mandando copia di un check di e suma real, ASU a muestra cu pues SAC no tabata duna informacion corecto na comunidad y kier a aclaria esaki..

Tabata durante un reciente encuentro di SAC cu prensa y miembronan di ATIA, cu por cierto tabata organisa pa ATIA y SAC, miembro di e organizacion carnavalista a papia


riba sumanan cu SAC mester a paga e aña aki pa por a uza facilidadnan pa tene tanto e eventonan di reina, como esun di musica cu a suma na 100 mil florin.

Durante mesun presentacion, SAC a specifica cu e suma tabata parti na dos unda cu na Joe Laveist a paga e suma di 25.000 florin mientras cu pa Entertainment Center a paga e suma di 80.000 florin. Esaki ta hunto un suma di 105.000 florin cu ta e suma na cual SAC a referi e anochi ei.

Sinembargo ayera BONDIA ARUBA a tuma contacto cu SAC y a compronde cu e suma cu ASU a pidi inicialmente,

tabata 20 mil florin plus 35 carchi free. Pero esaki a keda nenga pa SAC y na final SAC enberdad a paga 19 mil florin, mas e carchinan. Te aki e aclaracion di SAC ayera na BONDIA ARUBA. como tal ningun momento SAC a paga ASU 100 mil florin. Pues por deduci cu ta un ekibocacion di ASU su forma di interpreta e informacion incorreto.

ASU di nan parti den intento di clarifica nan situacion, a manda un copia di check unda cu nan ta muestra bon cla cu ta 19.000 florin nan a cobra SAC y cu ta esei SAC a paga nan y no 100.000 florin cu nan lo ta indica. Cu e aclaracion aki di



ASU, y e declaracion di SAC e anochi referente na ATIA, ta keda dwal un suma di 6.000 florin cu ainda no ta klop. BONDIA ARUBA mester

bisa cu e tabata na e presentacion di ATIA unda cu enberdad SAC a bisa cu ta 105.000 florin a paga pero parti den e forma cu a keda menciona.